



Letsatsi La Lefase Ka Bophara La GoKa Go Balela Godimo 2021

Maele ka go abelana kanegelo le bo mapimpana bao ba se ba tšhwego ba thomiša ka sekolo

Fofang, bohle a re fofeng! ke ya maswanedi gore e ka balelwa godimo go bana ba mengwaga e 6 le go feta, eupša se ga se bolele gore bana ba mengwaga ya ka tlase ba ka se ipshine ka kanegelo yeo le bona! A ke a mangwe a maele ka ga go abelana kanegelo le bana ba mengwaga ya magareng ga ye 3 go ya go ye 6.

Pele ga fao

- ★ Matšatši a mmalwa pele ga ge o ka anegela bana kanegelo, e bale makga a mmalwa. Itlwaetše kanegelo go fihlela ebile o ka kgona go e anega gape ka tsela ya gago.
- ★ Nagana ka mekgwa yeo o ka tlišago kanegelo yeo bophelong.
 - Tsebagatša kanegelo ka mokgwa woo o lego gore o tla dira gore bana **ba nyake** go kwa go feta mo. Mohlala: **Ngwala lengwalo leo le rego: 'Ke mang yo a nyakago go sepela le nna ka bese go ya go etela Koko? Ka lerato Afrika.'** Tlogela lengwalo leo mo lefelong leo e lego gore bana ba tla kgona go le hwetša, gomme ge ba le hwetša, ba **balele** lona. Diriša ditulo tša ka ntlong go dira "ditulo" tša bese.
 - Hwetša dikarolo tša kanegelo moo bana ba ka kgonago go kgatha tema, mohlala: **go dira ditiragalo tšeo di hwetšagalago košeng ya Josh.**
 - Ke maswao afe a sefahlegong le a diatla ao o ka a dirišago ge o le gare o anega kanegelo? Mohlala: go **myemyela le go šikinya letsogo go swana le Koko kua boemapeseng.**
 - Kgoboketša le/goba go dira dilo tšeo go bolelwago ka tšona mo kanegelong bjale gore o ba bontšhe ge o le gare o anega kanegelo. Mohlala: **mokotla wa go ba le dipampiri ka mo go wona, sefofane sa pampiri. Goba o laišolle go tšwa inthaneteng le go gatiša diswantšho tša kanegelo go tšwa go www.nalibali.org**
- ★ Itlwaetše go anega kanegelo

Nakong ya kanegelo

- ★ Tsebagatša kanegelo gomme o anegele bana.

Ka morago

- ★ Botšiša dipotšišo tše ka bago le dikarabo tše ntši go hlohletša bana gore ba nagane le go bolela ka ga megopolo yeo e sepelelanago le kanegelo, mohlala: **Naa o ka rata gore o be mo sefopaneng go na le gore o be mo beseng? Hlalosa gobaneng?**
- ★ Mmogo, itireng selo sengwe seo se fofago. Efa mongwe le mongwe sebaka sa go itlhalosa gore ke bona eng.
- ★ Laleša bana gore ba:
 - dire dithikithi tša bese goba ba **thale** diswantšho ka ga kanegelo ba diriša dikherayone, dikoki, pampiri le sekero.
 - **bapale** mo beseng yeo ba sa tšwago go e dira. (Ba ka nna gape ba **tšhepa** bakeng sa leeto!)
 - tšweletša dikarolo tša kanegelo ba diriša mmopa goba motaga.
 - aga difofane goba dibese ba diriša dilo tša kgale tše lahlilwego (go swana le dikhatipokisi, dirolo tša ditoulo tša pampiri, dikhurumelo tša dinošididi), segomarešji, sekero le pente.

Se bohlokwa kudu, **ipshineng!**

E tšweleditšwe legatong la Nalibali ke PRAESA www.praesa.org.za



PRAESA
Growing biliteracy and multilingualism



T: +27 (21) 448 6000

E: info@nalibali.org

www.nalibali.org

www.nalibali.mobi

[nalibaliSA](https://www.facebook.com/nalibaliSA)

[@nalibaliSA](https://twitter.com/nalibaliSA)

[@nalibaliSA](https://www.instagram.com/nalibaliSA)

